

पावलसे तिमोथीदा भिबा डाच्छारेमला चिठी

चु चिठीला बारेरी पाङ्तो:मा

भिबा म्हि: येसूला मुल चेला पावलसे भिबा मुबा (१ तिमोथी १:१)।

भिबा ग्ला: फिलिप्पी शहररी भिबा मुबा।

भिबा साल: ओस्पन ईश्वी संवत् ६३-६५ (विक्रम संवत् १२०-१२२)
सालला गुडरी भिबा मुबा।

खाल्दा भिबा: तिमोथी भिबा म्हिदा भिबा मुबा।

तिमोथी एशिया अञ्चलला विश्वास लबा भ्योन म्हि मुबा। थेला आमा यहूदी विश्वासी मुबा ओच्छे आबा चा ग्रीक यहुलला म्हि मुबा। थार्बा पिन्बा समाचार थे:ना लमा थे पावलदेन छ्याम छ्यामनोन भ्रमुबा ओच्छे पावलदा हो लमुबा। पावलसे थेदा चु डाच्छारेमला चिठीरी मुल ताम सोम भिबा मुला।

जम्मान भन्दा डाच्छा चु चिठीरी मण्डलीरी मुबा लुसीला ताम लोप्बागदेग्याम होशियार तना लबा मुला। थे लुसीला ताम चा यहूदी धर्मदेन अर्गु यहुलला म्हिगदेला सेमरी म्हन्बा तामगदे दोङ्सी थोन्बा लुसीला तामग्याम खबा विश्वास हिन्ना। चु विश्वासग्याम जम्बुलिङ पापसे प्लिङ्बा मुला भिसी लोप्जी। ओच्छे म्हिसे परमेश्वरला सेमला ताम घोबारी खम्बा ज्ञान बुद्धि पक्का लसी आयाङ्तेधोना, गाते चबा स्हेगदे चबारी आरुला ओच्छे ब्याह लबारी आरुला, थे धुङ्धोना थेसे थार्बा आयाङ्।

चु चिठीरी मण्डलीरी खाहङ् लसी गे लतो:ला, खाहङ् लसी हो लतो:ला, मण्डलीदा च्याबा म्हिगदे खाहङ्बा ततो:ला ओच्छे थेनीगदेदा हो लबागदेला

बानीबेहोर खाहङ्बा ततोःला भिसी चु जम्मान अर्तीगदे पिन्बा मुला। थेहङ् लसीन चिठीला थुमरी तिमोथीदा विश्वासीगदेला समूहगदेला लागिरी तिग लतोःबा भिबा तामला बारेरीदेन येशू ख्रीष्टला ज्यबा गे लबा म्हि खाहङ् लसी दोबारी खम्ला भिसी सल्लाह पिन्बा मुला।

मुल तामगदे

- फ्याफुल्बा १:१-२
- मण्डलीला बारेरी लोप्बा ताम १:३-३:१६
- पावलसे तिमोथीला गेला बारेरी पाङ्बा ४:१-६:२१

पावलसे तिमोथीदा भिबा डाच्छारेमला चिठी

१ १-२ लास्सो, विश्वासरी डाला
भा तिमोथी, डा पावलग्याम
फ्याफुल्ला। डा यहाडदा थाबा पिन्बा
परमेश्वरदेन आश पिन्बा स्त्रीष्ट
येशूसे कुल्बा अन्छार स्त्रीष्ट येशूला
मुल चेला हिन्ना। एसे यहाडला
परमेश्वर आबादेन प्रभु स्त्रीष्ट
येशूग्याम मोलमदेन दया ओच्छे
शान्ति याङ्गै। *

लुसीला ताम लोप्बागदेदा बङ्गो

३ डा माकेडोनिया भिबा ग्लारी निबा
धुइरी एदा पाङ्बा अन्छार लुसीला
ताम लोप्बागदेदा थेहङ् थालउ भिसी
कुल्बाला लागिरी ए एफिससरीन
चिउ। ४ थेनीगदेदा अनुमान लसी
सेमरी म्हन्सी पाङ्बा कथा ओच्छे
आखे म्हेमेला बारेरी खाइमै आजिन्बा
तामला लिच्छा थाभ्रउ भिसी पाङ्गो।
थेहङ्बा तामसे चा यहाड न्हडरी
छेबा बङ्बा तना लमुला, ओच्छे

विश्वासग्याम घोखम्बा परमेश्वरसे
म्हन्बा तामदा जे न्होङ्ना लमुला।
५ चु कुल्बा ताम चा ज्यबा सेमदेन
सेमसे म्हन्बा अन्छार ठीक गे लबारी
ओच्छे ज्यबा विश्वासग्याम खबा
माया ल्हेना लबाला लागिरी हिन्ना।
६ कोइ कोइ म्हिगदे चा चु जम्मान
तामगदेदा वास्ता आलना गे आखेल्ला
तामगदेरी कोल्सी चिमुला। ७ थेनीगदे
परमेश्वरसे मोशादा पिन्बा ठिम
लोप्बा म्हि दोबारीम म्हाइमुला, तर
हाडसेन पक्का लसी पाङ्बा ताम
हाडसेन आघोमुला।

८ चुदे खालैसे परमेश्वरसे मोशादा
पिन्बा ठिम ठीक लसी तेन्जी भिसम
थे ठिम ल्हानान ज्यबा मुला भिबा ताम
यहाडदा था मुला। ९ ओच्छे यहाडदा
चु तामएनोन था मुला, थे ठिम ज्यबा
म्हिला लागिरी आहिन। तर थे ठिम
अन्छार आभ्रबागदेदेन कुल्बा ताम
आङ्ग्यान्बागदे ओच्छे परमेश्वरदा

आतेन्बागदे, पापीगदे, नइबा सेम मुबागदे, परमेश्वरदा बिरोध लबागदे, आबा आमादा साइबागदेदेन म्हि साइबागदे, १० ओच्छे खाल्दमानदेन छ्याम ब्रेल्सी भ्रबागदे, हाड हाड न्हडरीन ब्रेल्सी हेम्फेबेगदेदेन छ्याम भ्रबागदे, नोकर चूड्बा ग्लुबा लसी भ्रबागदे, लुसीला ताम पाड्बागदेदेन लुसीला तामरी साक्षी दोसी भ्रबागदे ओच्छे सत्य तामदा आहिन भिसी बिरोध लसी भ्रबागदेला लागिरी हिन्ना। ११ थे सत्य ताम डादा जिम्मा पिन्बा ल्हानान ज्यबा परमेश्वरला ल्हानान घेन थार्बा पिन्बा समाचार अन्छार मुला।

पावलदा प्रभुला दया

१२ डादा भड पिन्बा य्हाडला प्रभु ख्रीष्ट येशूदा धन्यवाद मुला, तिग्दा भिसम थेसे डादा विश्वासला म्हि म्हन्सी थेला गे लबारी डादा धम्जी। १३ डाइ डाच्छा प्रभुदा बिरोध लसी बेइज्जत लजी। थे धुइरी डाइ ख्रीष्टदा विश्वास आलबासे लमा चु जम्मान गे आसेना आघोना लजी। थेतबासेलमा डाइ प्रभुग्याम दया याड्जी। * १४ य्हाडला प्रभुसे डादा ल्हानान दयामाया लजी। ओच्छे विश्वासदेन माया पिन्जी। तिग्दा भिसम ख्रीष्ट येशूदेन छ्याम य्हाडदा गिक स्होबा हिन्ना। १५ जस्तो

लसीन चु जम्मासेन ड्यान्तो:बादेन विश्वास लतो:बा ताम हिन्ना। पापीगदेदा थार्बा पिन्बारी ख्रीष्ट येशू जम्बुलिडरी फेप्खबा हिन्ना। ओच्छे पापीगदे न्हडरी जम्मान भन्दा पापी चा डानोन हिन्ना। १६ डा पापीगदे न्हडरी जम्मान भन्दा पापी तसैनोन डाला लागिरी ख्रीष्ट येशूसे गाते दुख नाजी भिबा ताम उन्बाला लागिरी परमेश्वरसे डादा दया लजी। चुहड् लबा चा थेदा विश्वास लसी जुकजुकधोनाला जुनी याड्बागदेदा उन्बाला लागिरी हिन्ना। १७ खालैसे म्हाड्आखम्बादेन खाइमै आजिन्बा ओच्छे जुकजुकधोना चिबा ग्ले परमेश्वर गिकदा जे सदन मानदेन जयजयकार तगै। आमेन।

१८ डाला भा तिमोथी, डाइ एदा चु ताम कुल्बा मुला, एला बारेरी परमेश्वरसे डाच्छान पाड्बा अन्छार एसे आँट याड्सी विश्वासला लागिरी ज्यबा लडाइ लउ। १९ थे धुइरी एसे हाडला विश्वासदेन सेमसे म्हन्बा अन्छार ठीक गे लबारी थाखलागो। तिग्दा भिसम कोइ कोइ म्हिसे सेमसे म्हन्बा अन्छार ठीक गे लबारी ख्लाबासे लमा थेनीगदेसे हाडला विश्वासदा नाश लबा मुला। २० थेहड् लसी नाश लबागदे न्हडरी हुमेनियसदेन अलेक्जेन्डर हिन्ना। थेनीगदेसे परमेश्वरदा बिरोध लबा

ख्लागै भिसी डाइ थेनीगदेदा शैतानना यारी जिम्मा पिन्बा मुला।

मण्डलीरी प्रार्थना लबा धुइरी था
ततोःबा ताम

२ जम्मान भन्दा मुल ताम चा एसे जम्मालान लागिरी प्रार्थना लउ, एसे थेनीगदे जम्मालान लागिरी परमेश्वरग्याम मोलम ह्रीसी पिन्गो, ओच्छे परमेश्वरदा धन्यवाद पिन्गो। २ ग्लेगदेदेन घेन घेन पदरी मुबागदे जम्मालान लागिरीनोन प्रार्थना लउ। थेहङ् लजी भिसम यहाड सदन सुख शान्तिरी दुक्क तसी परमेश्वरदा तेन्सी थेदा मान लसी चिम्याङ्ला। ३ चुहङ् लबा ल्हानान ज्यबा हिन्ना, यहाडदा थार्बा पिन्बा परमेश्वरदाएनोन चुहङ्बान सेम निमुला। ४ तिगदा भिसम जम्मान म्हिसे सत्यदा डोसेसी थार्बा याङ्गै भिबा परमेश्वरला सेम मुला। ५ तिगदा भिसम परमेश्वर गिक जे मुला ओच्छे म्हिगदेदा परमेश्वरला डाच्छापट्टि भबा म्हिणोन गिक जे मुला। थे म्हि चा ख्रीष्ट येशू हिन्ना। ६ येशू ख्रीष्टसे जम्मान म्हिगदेला पापला सय फाबारी हाडलान लहुइ बलिदान पिन्जी, चु ताम चा परमेश्वरसे म्हन्बा धुइरीन उन्जी। ७ चुलान लागिरी डादा अर्गु यहुलला म्हिगदेदा विश्वासदेन सत्यला बारेरी लोप्बाला लागिरी

थार्बा पिन्बा समाचार थेःना लबा म्हिदेन मुल चेला स्होजी। डाइ पाङ्बा चु ताम पूरान सत्य हिन्ना, लुसीला ताम आहिन।*

८ थेतबासेलमा संगती लबा जम्मान ग्लारी हेम्फेबेगदेसे तिगै बोमोदेन कल आलना हाड हाडला तिगै दोष आरेबा या थीसी प्रार्थना लगै भिसी डाइ म्हन्बा मुला।

९ थेहङ् लसीन म्हिङ्महेमेगदेएनोन ल्हाना क्रा स्होसी ज्योबादेन म्हर, मोती ओच्छे ल्हानान सयला क्वान क्वान्सी आहिन, तर सोजो तसी स्वाहब तबा क्वान क्वान्सी भ्रगै भिसी डाइ म्हन्बा मुला।* १० तर जुन भ्रिङ्महेमेगदेसे डा परमेश्वरदा तेन्बा म्हि हिन्ना भिसी म्हन्मुला थेनीगदे चा ज्यबा गेग्याम ज्योसी भ्रगै।

११ ओच्छे भ्रिङ्महेमेगदे कुटिसी तहरी चिसी लोप्जै। १२ भ्रिङ्महेमेगदेसे हेम्फेबेगदेदा तहरी थान्बादेन परमेश्वरला बचन लोप्बा अधिकार चा डाइ आपिन, तर थेनीगदे कुटीसीन चितोःला। १३ तिगदा भिसम परमेश्वरसे डाच्छा आदमदा स्होसी जे हव्वादा स्होबा हिन्ना।* १४ ओच्छे डाच्छा आदमदा आहिन, तर भ्रिङ्महेमेदा चा शैतानसे पापरी फसब लबा हिन्ना।* १५ तसैनोन थेसे ज्यना लसी विश्वास लसी परमेश्वरला मायादेन तिगै दोष आरेबा म्हि दोसी

परमेश्वरला डाच्छा ज्यबा तसी चिजी भिसम थेदा कोला न्हबा धुइरी जोगब लला।† *

मण्डलीदा च्याबा म्हिगदे

३ चु सत्य ताम हिन्ना। खालै म्हिसे मण्डलीदा च्याबा गे लबारी म्हाइबा चा ज्यबा ताम हिन्ना। चु चा थेला सेमसे लबारी म्हाइबा ज्यबा गे हिन्ना। २थेतबासेलमा मण्डलीदा च्याबा म्हि चा खालैसे दोष उन्बारी आखम्बा, म्रिड गिक जे मुबा, हाडसे हाडदान तहरी थान्बा, जम्मासेन मान लबा, डोन्बोदा मान लबादेन ज्यना लसी लोप्बारी खम्बा ततो:मुला। ३ओच्छे भि आइरक थुङ्सी ड्य्होइसी भ्रबादेन छेबा बड्बा लबा आहिन, तर जम्मानदेन छ्याम ढिक्बा, सोजो, टाङ्गाला लिच्छा आभ्रबादेन, ४थेसे हाडला दिम परिवारदा ज्यना लसी च्यातो:ला। ओच्छे थेला कोलागदेसे कुल्बा ताम ड्यान्सी थेदा मान लतो:ला। ५चुदे खालै म्हिसे हाडला दिमला म्हिगदेदा तहरी थान्बारी आखम्नी भिसम थेसे खाहङ् लसी परमेश्वरला मण्डलीदा च्याबारी

खम्ला? ६मण्डलीदा च्याबा म्हि चा भर्खर प्रभुदा विश्वास लबा छार म्हि तबारी आत। आहिन्सम थेसे हाडसे हाडदान घेन स्होसी घमण्ड लसी भ्रला। ओच्छे शैतानसे याड्बा सजायरी थेएनोन परब तला। ७थे ख्रीष्टदा विश्वास आलबा म्हिगदेला ओन्छाडरीनोन ज्यबा म्हि ततो:ला, आहिन भिसम जम्मासेन थेला तामगन लसी भ्रला ओच्छे शैतानना यारी परब तला।*

८थेहङ् लसीन मण्डलीरी हो लबा म्हिगदेएनोन जम्मासेन मान लबा म्हि ततो:ला, ओच्छे ले न्ही मुबा हङ् लसी ताम पाड्बारी आत, भि आइरक थुङ्सी ड्य्होइबादेन टाङ्गाला लोभ लबारी आत, ९बरु थेनीगदेसे हाडला सेमसे म्हन्बा अन्छार ठीक गे लसी सत्य विश्वासदा जोगब लसी थान्तो:ला। १०डाच्छा थेनीगदे ठीक मुला कि आरे भिसी मण्डलीसे च्यागै। ओच्छे तिगै दोष आरेसम थेनीगदेसे मण्डलीरी हो लगै।

११थेहङ् लसीन मण्डलीरी हो लबा म्हिला म्रिडम्हेमेगदेएनोन† स्थान्दोग्याम मान याड्बादेन खालैला तामगन आलबा ततो:ला। ओच्छे

२:१५ कोइ कोइ विद्वानगदेसे “कोला न्हबा धुइरी जोगब लला” भिबा चा न्हबा कोलाग्याम थारबा याङ्ला भिबा हिन्ना। चु कोला चा येशू हिन्ना।

३:११ “मण्डलीरी हो लबा म्हिगदेला म्रिडम्हेमेगदे” भिबा चा मण्डलीरी हो लबा म्रिडम्हेमे अथवा मण्डलीरी हो लबा म्हिला म्रिडदा पाड्बा हिन्ना।

२:१५ उत्प ३:१५ ३:२-७ तीत १:६-८

ह्वाडसे ह्वाडदान तहरी थान्खम्बादेन
जम्मान तामरी म्हिगदेसे विश्वास
लखम्बा ततो:ला।

१२मण्डलीरी हो लबा म्हिलाएनोन
मिड गिक जे ततो:ला ओच्छे थेसेनोन
ह्वाडला कोलागदेदेन दिम परिवारदा
ज्यना लसी च्याखम्तो:ला। १३तिगदा
भिसम मण्डलीरी हो लबागदेसे ज्यना
लसी गे लजी भिसम थेनीगदेसे मान
याड्वा। ओच्छे थेनीगदेसे स्त्रीष्ट
येशूदा लबा विश्वासला बारेरीनोन
स्थान्दोगदेदा पाड्बारी आँट याड्वा।

**य्हाडसे विश्वास लबा तामगदे गाते
घेन मुला**

१४ए मुबा ग्लारी योनान खबा सेम
मुला, तसैनोन डाइ एदा चु चिठी
भिवान मुला। १५तिगदा भिसम तिगै
लसी डा खबारी घइजी भिसम
चु चिठीग्यामसेन परमेश्वरला
दिम य्हाडला छोनबो परमेश्वरला
मण्डलीरी खाह्ङ लसी गे लतो:ला
भिबा ताम एसे था याड्वा। तिगदा
भिसम परमेश्वरला मण्डली चा सत्य
तामला भर ताबा थामदेन जग हिन्ना।
१६य्हाडदा था मुला कि य्हाडसे लबा
विश्वास म्हिसे था आयाड्बा घेन
मुला,

“य्हाडसे येशूदा म्हि ल्हुइरी

म्राड्जी,

थे परमेश्वरदा सेम निबा मुला

भिसी परमेश्वरला आत्मासे

उन्जी।

ओच्छे थेदा स्वर्गदूतगदेसेनोन
म्राड्जी।

थेला बारेरी य्हुल्सा य्हुल्सारी

थे:जी,

थेदा जम्बुलिडरी विश्वास लजी,

ओच्छे थे घेन य्हालदेन शक्तिरी

तोर फेप्जी।”

तिमोथीदा लोप्बा ताम

४ लिच्छा खबा धुइरी फट्टा
आत्मादेन म्हड म्हुडला ताम
ड्यान्सी कोइ कोइ म्हिसे विश्वास
लबा रूलाला भिसी परमेश्वरला
आत्मासे प्रस्टन सुड्बा मुला।
२चुह्ङ्बा लुसीला ताम पाड्बा
म्हिगदेला जालसे लमान चुह्ङ तला,
थेह्ङ्बागदेला ज्ञान बुद्धि चा लेप्बा
फाइसे खाड्सी सिबा ह्ङ्बान तला।
जमाहेन्से थेनीगदेसे ज्यबा नइबा तिग
हिन्ना थे फेबारी आखम। ३चुह्ङ्बा
म्हिगदेसे ब्याह लबारी आत भिमुला,
ओच्छे गाते चबा स्हेगदे चा चबारी
आत भिसी लोप्मुला। तर स्त्रीष्टदा
विश्वास लसी सत्य ताम घोबागदेसे
परमेश्वरसे स्होबा चबा स्हेगदे
धन्यवाद पिन्सी चबारी तला।
४परमेश्वरसे स्होबा जम्मान स्हे
ज्यबा मुबा। थेतबासेलमा जम्मान
स्हे चबारी तला। तर परमेश्वरदा
धन्यवाद पिन्सी जे चतो:ला।
५तिगदा भिसम परमेश्वरला बचनदेन
प्रार्थनाग्याम थे चबारी तबा चोखो
स्होला।

ख्रीष्ट येशूला गे लबा म्हिदेन छ्याम ततोःबा ज्यबा बानीबेहोर

६चुदे एसे चु जम्मान तामला बारेरी ज्योज्यो आले नाना आडागदेदा लोप्जी भिसम, ए भ्रबा ज्यबा तामदेन विश्वासला बचनरी पाको म्हि दोला, ओच्छे ए ख्रीष्ट येशूला गे लबा ज्यबा म्हि दोला। ७परमेश्वरदा आतेन्बादेन टाना गा जोला ताम पाड्बागदेग्याम होशियार तसी थारेङ चिउ, ओच्छे परमेश्वरला बचन अन्धार भ्रबारी भङ लसी गे लउ। ८तिग्दा भिसम ल्हुइला लागिरी लबा गे तिगै धिनना लागिरी जे फाइदा तला। तर आत्माला लागिरी लबा गे चा जुन लसै फाइदा तला। तिग्दा भिसम चु गेग्याम दान्देला जुनीदेन लिच्छाला जुनीला लागिरी कबुल लबा ताम हिन्ना। ९चु चा सेमहेन्सेन ड्यान्सी विश्वास लतोःबा ताम हिन्ना। १०चुलान लागिरी य्हाडसे दुख लसी गे लबा हिन्ना। तिग्दा भिसम य्हाडसे छोन्बो परमेश्वरथोरी आश लबा मुला। परमेश्वर चा जम्मान म्हिगदेदा थार्बा पिन्बा ग्ले हिन्ना। अझ पाङ्गोन तोःमा विश्वास लबा म्हिगदेदा थार्बा पिन्बा ग्ले हिन्ना।

११चुनोन ताम लोप्सी कुल्गो। १२ए भ्योन तसैनोन एदा खालैसेन हेला थालगै। तर विश्वासीगदेला ओन्छाडरी एला बोली बचनदेन बानीबेहोर ओच्छे एसे चोखो सेम

थोसी स्थान्दोदा लबा मायादेन परमेश्वरदा लबा विश्वास उन्गो। १३डा थेरी आखतेधोना एसे सेम लसी परमेश्वरला बचन पढब लसी थेःना लउ, ओच्छे बचनग्याम लोप्सी आँट पिन्बादेन अर्ती पिन्बा गे लउ। १४एदा परमेश्वरसे पिन्बा मोलमदेन शक्तिदा ज्यना लसी चलब लउ। एसे थे मोलम मण्डलीदा च्याबा म्हिगदेसे एदा मोलम पिन्बारी या थान्सी प्रार्थना लबादेन अगमवक्तागदेसे एला बारेरी पाड्बा धुइरी याड्बा मुबा।

१५एसे लबा ज्यबा गे जम्मासेन म्हाड्बाला लागिरी एदा जिम्मा पिन्बा थे गेगदे सेमहेन्सेन लसी चिउ। १६ओच्छे हाडला बारेरीदेन हाडसे लोप्बा तामला बारेरी होशियार तसी चिउ। ओच्छे चु गे लसीन चिउ। थेहङ् लजी भिसम एसे लोप्बा ताम ड्यान्बागदेदेन ए हाङएनोन थार्ला।

विश्वासीगदेदा लतोःबा बानीबेहोर

५ एसे खेप्बा दोबा म्हिदा थाबङ्गो, तर थेदा आबादा हङ् लसी सम्भब लउ। ओच्छे हाङ भन्दा जजागदेदा आलेदा हङ् लसी व्यवहार लउ। २थेहङ् लसी खुइ दोबा म्रिडम्हेमेगदेदा आमादा हङ् लसी ओच्छे हाङ भन्दा जजा म्रिडम्हेमेगदेदा हाडला आडादा हङ् लसी ज्यबा व्यवहार लउ।

३साँच्चिलान, खालै आरेबा हेम्बो सिबा म्रिडम्हेमेदा वास्ता लउ। ४तर

चुदे खालै हेम्बो सिबा म्रिडम्हेमेला कोलागदेदेन छाया छुया मुसम थेनीगदेसे सयार लसी हाडला आबा आमाला गुण फागै। ओच्छे थेनीगदेसे डाच्छा हाडलान दिमरी परमेश्वरला बचन अन्छार गे लगै। तिग्दा भिसम परमेश्वरदा चुनोन ताम सेम निमुला। ५तर साँच्चिलान, खालै आरेबा हेम्बो सिबा म्रिडम्हेमेसे चा परमेश्वरथोरी आश लसी धिन म्हुननोन प्रार्थना लसी चिमुला। ६तर चुहड् आलना थेसे मोजमजा लसी भ्रजी भिसम थे सिबा तेबान तला।

७विश्वासीगदेदा तिगै दोष आतबाला लागिरी चु ताम थेनीगदेदा लोप्पो। ८तर चुदे खालैसे हाडला म्हिगदेदेन हाडला दिमला म्हेमेगदेदा चबा क्वान्बा आपिन्नी भिसम थेसे विश्वास लबा खलाला। ओच्छे थे विश्वास आलबा म्हिगदे भन्दाएनोन गे आखेल्ला तला।

९हेम्बो सिसैनोन हेम्बो सिबा म्रिडम्हेमेगदेला मिन भ्रिबा खातारी मिन भ्रिसी थान्बाला लागिरी बोगल सोम दिड छ्योबा ततोःला, हाडला हेम्बोला सतरी चिबा ततोःला, १०ओच्छे थेसे ज्यबा गे लसी मान याड्बा, कोलागदे ज्यना लसी च्याबा, डोन्बोगदेदेन परमेश्वरला म्हिगदेदा ज्यना लसी क्योड्बा,†

दुख याड्बागदेदा हो लबा हड्बा ज्यबा गेरी सेम लबा म्हि ततोःला।

११तर छामे म्रिडम्हेमेला हेम्बो सिसैनोन थेला मिन हेम्बो सिबा म्रिडम्हेमेगदेला मिन भ्रिबा खातारी थाभ्रिउ। तिग्दा भिसम थेनीगदेला सेमसे आड्यान्नी भिसम थेनीगदेसे खीष्टदा ख्लासी दोःसी ब्याह लला।

१२चुहड् लसी थेनीगदेसे डाच्छा लबा कबुल अन्छार आभ्रबासे लमा थेनीगदेसे सजाय याड्ला। १३ओच्छे थेनीगदे म्हिला दिम दिमरी कोर्सी भ्रबादेन ब्लेगु दोसी भ्रबा जे आहिन, तर म्हिला तामगन लसी भ्रबा ओच्छे म्हिसे लबा गेरी या भाड्बादेन पाड्बारीन आतबा ताम पाड्सी भ्रबा तला। १४थेतबासेलमा हेम्बो सिबा छामे म्रिडम्हेमेसे दोःसी ब्याह लसी कोलागदे तगै ओच्छे थेसे हाडला दिमनाम स्होगै। तिग्दा भिसम यहाडला शत्रुगदेसे यहाडदा दोष लआम्याड्गै भिबा डाला सेम मुला। १५तिग्दा भिसम कोइ कोइ हेम्बो सिबा छामे म्रिडम्हेमेगदे मी डाच्छान शैतानपट्टि निसी जिन्बा मुला।

१६चुदे खालै विश्वासी म्रिडम्हेमेला हाडला म्हि न्हडरी हेम्बो सिबा म्रिडम्हेमे मुसम थेसे हो लगै, ओच्छे मण्डलीदा तिगै दुख थातगै। थेतबासेलमा मण्डलीसे चा

५:१० “परमेश्वरला म्हिगदेदा ज्यना लसी क्योड्बा” भिबा चा यहूदीगदेला ठिम अन्छार विश्वासीगदेला काड खुसी मान लबा हिन्ना।

साँच्चिन खालै आरेबा हेम्बो सिबा
मिडम्हेमेगदेदा हो लबारी खम्मौ।

१७ ल्हानान दुख लसी मण्डलीदा
च्याबा म्हिगदेदा मान लसी थेनीगदेदा
गेला ज्यालाएनोन याङ्तोःबा भन्दा
ल्हानान पिन्गो, ओच्छे दुख लसी
परमेश्वरला बचन थेःना लबादेन
लोप्बा म्हिसे मी भन चु याङ्गोन
तोःला। १८ तिगदा भिसम परमेश्वरला
बचनरी

“दाई लबा ग्लापला सुडरी भोर
थाक्वान्गो”

भिसी भिबा मुला।

ओच्छे

“गे लमाहेन्से ज्याला याङ्गोन
तोःला”

भिसी सुङ्बा मुला।*

१९ म्हि न्ही सोम साक्षी आरेतेधोना
मण्डलीदा च्याबा म्हिदा लबा दोष
थाङ्गान्गो।* २० स्थहान्दोगदेसेनोन
पाप गे थालगै भिसी सदन पाप गे लसी
भ्रबा म्हिगदेदा जम्मालान ओन्छाडरी
बङ्गो।

२१ परमेश्वरदेन ख्रीष्ट येशूला
डाच्छापट्टि ओच्छे परमेश्वरसे
धम्बा स्वर्गदूतगदेला डाच्छापट्टि
एसे खालैला ली च्यासी गे आलना
जम्मादान च्योच्यो लसी चु ठिमगदे
ङ्गान्गो भिसी डाइ एदा कुल्ला।
२२ खालै म्हितोरी हतार लसी या
थान्सी प्रार्थना लसी मण्डलीला गे

जिम्मा थापिन्गो। ओच्छे स्थहान्दो
म्हिगदेला पापरी थाभ्रउ। ओच्छे सदन
पापग्याम जोगब तसी चिउ।

२३ डाच्छा हङ् क्युइ जे आहिन, तर
एला फो धुइ धुइरी आखम्बासे लमा
एसे जजाकर अङ्गुरला निङ्गु थुङ्गो।

२४ कोइ कोइ म्हिला पाप चा प्रस्टन
म्राङ्मुला ओच्छे थेनीगदे निसाफरी
परब तमुला। तर स्थहान्दो गाते म्हिला
पाप चा लिच्छा जे म्राङ्मुला। २५ थेहङ्
लसी गाते ज्यबा गेगदे डाच्छान प्रस्टन
म्राङ्मुला ओच्छे प्रस्टन आम्राङ्बा
गेगदे मुसैनोन जम्मासेन था याङ्गुला।

६ परमेश्वरला मिनदेन यहाडसे
लोप्बा तामदा खालैसे दोष
आलबाला लागिरी जम्मान नोकरगदेसे
हाड हाडला मालिकला तहरी चिसी
मालिकसे कुल्बा ताम ङ्गान्तोःला
भिसी म्हन्गो। २ विश्वासरी ज्योज्यो
आले नाना आडा तजी भिदेमा विश्वास
लबा मालिकदा विश्वास लबा
नोकरगदेसे मान आलबा आहिन। बरु
थेनीगदेसे हाडला मालिकदा अभ
ज्यना लसी मान लगै। तिगदा भिसम
थेनीगदेसे लबा गेग्याम हाडलान सेम
निबा विश्वासीगदेदान फाइदा तबा
हिन्ना।

सत्यला धनदेन फट्टा ताम लोप्बा

चु अन्छार गे लउ भिसी थेनीगदेदा
लोप्सी आँट पिन्गो। ३ चुदे खालै

म्हिसे लोप्बा ताम य्हाङला प्रभु येशू ख्रीष्टला सत्य बचनदेन परमेश्वरदा तेन्बारी लोप्बा तामदेन आढिकनी भिसम ४थे म्हिसे डा हङ्बा खालै आरे भिसी भ्रमुला, तर थेसे तिगै आघोमुला। थे भिथाला ताम लबादेन ताम गिक गिकरी कल लबा रोगसे स्याप्बा म्हि हिन्ना। चुहङ्बा तामगदेसे डाह लबा, कल लबा बिरोध लबादेन नङ्बा म्हन्बा ताम खना लमुला। ५ओच्छे बुद्धि न्होङ्बादेन सत्य ताम आङ्यान्बा म्हिगदेदेन छ्याम कल लमुला, ओच्छे परमेश्वरदा तेन्बा भिबा चा धन सम्पत्ति स्होबारी हिन्ना भिसी थेनीगदेसे म्हन्मुला।

६हाङदेन छ्याम जुन स्हे मुला थेरीन सन्तोक लसी परमेश्वरदा तेन्जी भिसम थेनोन जम्मान भन्दा घेन सम्पत्ति हिन्ना। ७तिगदा भिसम य्हाङसे चु जम्बुलिङरी न्ह तिगै भसी खजी न्ह तिगै भोर्सी निला। ८तर चबादेन क्वान्बारी जे छ्योजी भिसम य्हाङ ओतेरीन सन्तोक तला।

९तर फ्युकपो दोबारी म्हाइबा म्हिगदे चा थेनीगदेला सेमरी खबा आज्यबा तामदेन न्होङ्बा सेमसे लमा थेनीगदे फसब तला। चु जम्मान नङ्बा म्हन्बा तामगदेसे थेनीगदेदा नर्गरी धोना लला। १०तिगदा भिसम जम्मान न्होङ्ना लबा तामगदे खबान टाङ्गाला लिच्छा भ्रबासे लमा हिन्ना।

टाङ्गाला लिच्छा भ्रबासे लमा कोइ कोइ म्हिसे मी विश्वास लबान ख्लासी आज्यबा ग्यामपट्टि भ्रबा मुला, ओच्छे थेनीगदेला सेम ल्हानान दुखसे क्रोबा मुला।

पावलसे तिमोथीदा कुल्बा ताम

११तर परमेश्वरला म्हि एसे चु जम्मान आज्यबा तामगदे ख्लागो। ओच्छे जुन ताम सत्यदेन ज्यबा मुला थे तामला लिच्छा भ्रउ। थेहङ् लसीन परमेश्वरदा सेम निबा म्हि दोबारी, परमेश्वरदा तेन्बारी, विश्वासरी भ्रबारी, माया लबारी, सेम नाबारीदेन सोजो तसी भ्रबारी भङ लउ। १२थेतबासेलमा ए जुकजुकधोनाला जुनीला लागिरी विश्वासरी सदन डाच्छा बढब तउ। तिगदा भिसम परमेश्वरसे एदा चुलान लागिरी ड्योइबा मुबा। एसे थे जुकजुकधोनाला जुनीला बारेरी ल्हानान म्हिला ओन्छाङरी ज्यना लसी उन्बा मुला। १३जम्मादान जुनी पिन्बा परमेश्वर ओच्छे पन्तियस पिलातसला डाच्छा सत्य ताम सुङ्बा ख्रीष्ट येशूला डाच्छा डाइ एदा कुल्ला। * १४एदा खालैसे दोष आलबाला लागिरी डाइ एदा कुल्बा चु ताम य्हाङला प्रभु येशू ख्रीष्ट दोःसी आफेप्खतेधोना दुक्क तसी पूरान ड्यान्गो। १५परमेश्वर जम्मादान मौलम पिन्बादेन जम्मानथोरी शासन

लबा, ओच्छे ग्लेगदेलाएनोन ग्ले, प्रभुगदेलाएनोन प्रभु परमेश्वर हिन्ना। धुइ पूरा तमाहेन्से थेसेन ख्रीष्ट फेप्खबा धुइ उन्ना। १६खाइमै आसिबा चा थे जे हिन्ना, ओच्छे थे खालै निआखम्बा य्हालरी धन्छ्यामुला। थेदा खालै म्हिसे खाइमै म्राड्बा आरे ओच्छे म्राड्बारीएनोन आखम। ओच्छे थेनोन परमेश्वरदा सदन मानदेन शक्ति तगै। आमेन।

१७चु जम्बुलिङला फ्युकपोगदेदा डा हड्बा खालै आरे भिसी भ्रबारी आत भिसी कुल्गो। ओच्छे नाश तसी निबा सम्पत्तिरी आहिन, तर य्हाड्दा ताङ्ना लबारी जम्मान स्हे ल्हानान पिन्बा परमेश्वरथोरी आश लउ भिसी पाङ्गो। १८थेनीगदेला टाङ्गा ज्यबा

गेरी चलब लउ भिसी पाङ्गो, ओच्छे थेनीगदेदा स्थान्दोदा ज्यबा सेमसे भो लसी पिन्बा ज्यबा गेरी फ्युकपो दोगो भिसी कुल्गो। १९चुहड् लसी धन सम्पत्ति सोजी भिसम थेनीगदेदा खबा धिनगदेरी ज्यबा तला। चु थेनीगदेसे याङ्बा पक्का जुनी हिन्ना।

२०तिमोथी, एदा जुन गे जिम्मा पिन्बा मुला, थे जोगब लसी थान्गो। ओच्छे परमेश्वरदा आतेन्बा तामदेन आतोःबा तामगदे चा भिथाला ज्ञान जे हिन्ना। थेतबासेलमा थेहड्बा तामगदे रुलागो। २१चु तामगदे ड्यान्सी भ्रबा गाते म्हिगदेसे विश्वास लबान रुलाबा मुला।

एदेन छ्याम परमेश्वरला दयामाया तगै।